

## **INDEKS REGISTAR**

informacija koje su pod kontrolom  
Ustavnog suda Bosne i Hercegovine

Indeks registar sadrži vrste informacija koje su pod kontrolom Ustavnog suda Bosne i Hercegovine (u daljnjem tekstu: Ustavni sud), odnosno kojima raspolaže Ustavni sud, oblik u kojem su informacije na raspolaganju i mjesto pristupa informacijama.

### **I – VRSTE INFORMACIJA**

Ustavni sud Bosne i Hercegovine, u skladu sa svojim nadležnostima utvrđenim Ustavom Bosne i Hercegovine, raspolaže informacijama koje se odnose na:

- Odluke koje Ustavni sud donosi u vršenju svoje nadležnosti (odluka o dopustivosti zahtjeva/apelacije, odluka o dopustivosti i meritumu zahtjeva/apelacije, odluka o prestanku važenja odredbe ili općeg akta koji nisu u saglasnosti sa Ustavom Bosne i Hercegovine, odluka o obustavljanju postupka, odluka o privremenoj mjeri)
- Druge akte koje donosi Ustavni sud (rješenja u vezi s izvršenjem odluka, odluke o usvajanju zahtjeva za preispitivanje i dr.)
- Broj primljenih i riješenih predmeta u postupku pred Ustavnim sudom za određeni period
- Status predmeta (da li je postupak u toku ili je okončan)
- Broj usvojenih zahtjeva/apelacija po vrsti povrede zaštićenog prava
- Planske dokumente i izvještaje o radu Ustavnog suda
- Budžet i izvještaje o izvršenju budžeta Ustavnog suda
- Informacije o saradnji Ustavnog suda s drugim organima i organizacijama
- Informacije o postupcima javnih nabavki
- Informacije o pokrenutim postupcima za popunjavanje upražnjenih radnih mjesta
- Druge podatke i informacije koje se pojave u radu Ustavnog suda, a čije izdavanje nije u suprotnosti s važećim zakonskim propisima

### **II – OBLIK INFORMACIJE**

Informacija se može dati kao kopija originalnog dokumenta, u vidu elektronskog zapisa ili u vidu posebno sačinjene informacije u vezi sa zahtjevom s pozivom na izvor podataka.

### **III – PRISTUP INFORMACIJAMA**

Informacije koje su pod kontrolom Ustavnog suda dostupne su javnosti u skladu sa Zakonom o slobodi pristupa informacijama u Bosni i Hercegovini („Službeni glasnik Bosne i Hercegovine“ br. 28/00, 45/06, 102/09, 62/11 i 100/13) i Vodičem za pristup informacijama pod kontrolom Ustavnog suda Bosne i Hercegovine.

### **IV – MJESTO PRISTUPA INFORMACIJAMA**

Informacije pod kontrolom Ustavnog suda djelomično su dostupne na internetskoj stranici Ustavnog suda [www.ustavnisud.ba](http://www.ustavnisud.ba).

Informacije koje nisu objavljene na internetskoj stranici mogu se dobiti podnošenjem zahtjeva za pristup informacijama.

Više informacija o načinu podnošenja zahtjeva i načinu pristupa traženim i odobrenim informacijama podnosioci zahtjeva mogu pronaći u Vodiču za pristup informacijama pod kontrolom Ustavnog suda Bosne i Hercegovine.

Podnosilac zahtjeva može pristupiti traženim i odobrenim informacijama, odnosno ostvariti neposredni uvid u tražene i odobrene informacije u službenim prostorijama Ustavnog suda.

Ustavni sud će preduzeti sve potrebne mjere kako bi pomogao tražiocu informacija s ciljem ostvarivanja prava koja proizlaze iz Zakona o slobodi pristupa informacijama u Bosni i Hercegovini.